

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-13362/24
Sarajevo, 06.9.2024. godine

Na osnovu člana 64. stav (1) i člana 70. stav (1), (3) i (6) Zakona o javnim nabavkama BiH („Službeni glasnik BiH“, br. 39/14, 59/22 i 50/24) i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022. godine i broj 02/12-04-21075/24 od 23.8.2024. godine, a na preporuku Komisije za javnu nabavku radova, Općinski načelnik donosi:

ODLUKU

o izboru najpovoljnijeg ponuđača – Rekonstrukcija Trga Barcelone – faza rasvjeta

I

Okvirni sporazum za javnu nabavku – Rekonstrukcija Trga Barcelone – faza rasvjeta (broj obavještenja 422-1-3-83-3-110/24, objavljeno na Portalu javnih nabavki BiH dana 13.5.2024.godine, Ispravka za obavještenje o nabavci broj 422-1-3-83-8-266/24 od 07.8.2024. godine i u “Službenom glasniku BiH”– Oglasnik javne nabavke broj 34/24 i 54/24) dodjeljuje se ponuđaču „Teslaluks“ d.o.o. Sarajevo sa ponudom u iznosu od 102.900,00 KM bez PDV-a, odnosno 120.393,00 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

III

Obavezuje se ponuđač iz tačke I ove Odluke da dostavi dokumentaciju traženu tačkom 3.1.3. tenderske dokumentacije koja se odnose na član 45. stav (2) tačka od a) do d) Zakona i dokumentaciju traženu tačkom 3.3.2 koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originalni ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-19-13362/24 od 09.5.2024. godine Općina Novi Grad Sarajevo pokrenula je otvoreni postupak javne nabavke – Rekonstrukcija Trga Barcelone – faza rasvjeta, broj obavještenja 422-1-3-83-3-110/24, objavljeno na Portalu javnih nabavki BiH dana 13.5.2024.godine, Ispravka za obavještenje o nabavci broj 422-1-3-83-8-266/24 od 07.8.2024. godine i u “Službenom glasniku BiH”– Oglasnik javne nabavke broj 34/24 i 54/24.

Zapisnikom o otvaranju ponuda od 13.8.2024. godine Komisija je konstatovala da su u predviđenom roku, u propisno upakovanim kovertama pristigle tri (3) ponude ponuđača: 1. „Nexen“ d.o.o. Banja Luka, 2. „Ses“ d.o.o. Sarajevo i 3. „Teslaluks“ d.o.o. Sarajevo.

Nakon što je Komisija utvrdila da su pristigle tri ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku. Komisija je konstatovala da ponuda ponuđača „Nexen“ d.o.o. Banja Luka ne ispunjava uslov iz tačke 3.4.1. c) tenderske dokumentacije: „3.4.1. Što se tiče tehničke i profesionalne sposobnosti, u skladu sa članom 48. i 51. Zakona, ponuda će biti odbačena ako ponuđač ne ispuni slijedeći minimalni

uslov, a to je: c) da je ponuđač opremljen neophodnom opremom za obavljanje predmetnih radova: kamion – 1 kom., auto-korpa za radove na visini – 1 kom., mini rovokopač do 10 t – 1 kom., udarni generator – radar za pronalazak podzemnih kvarova na elektroenergetskim kablovima – 1 kom. Navedeno se dokazuje tačkom 3.4.2. d) tenderske dokumentacije: „Dokaz o obezbjeđenosti mehanizacije neophodne za obavljanje predmetnih radova: kamion – 1 kom., auto-korpa za radove na visini – 1 kom., mini rovokopač do 10 t – 1 kom., udarni generator – radar za pronalazak podzemnih kvarova na elektroenergetskim kablovima – 1 kom. Kao dokaz za kamion dostaviti ovjerenu kopiju važeće saobraćajne dozvole; za ostalu mehanizaciju dostaviti ovjerenu kopiju važeće saobraćajne ili upotrebne dozvole. Ukoliko iz upotrebne dozvole nisu vidljive važeće karakteristike mehanizacije potrebno je dostaviti zapisnik koji to dokazuje. (original ili ovjerena kopija). Ukoliko ponuđač nije vlasnik tražene mehanizacije, neophodno je dostaviti ugovor o iznajmljivanju. (original ili ovjerena kopija).” Ponuđač „Nexen” d.o.o. Banja Luka je na stranici broj 67. ponude dostavio upotrebnu dozvolu broj 001-1186/21 od 28.6.2021. godine za hidrauličnu auto korpu. U skladu sa Pravilnikom o postupku i rokovima preventivnih i periodičnih pregleda i ispitivanja opreme za rad i preventivnih i periodičnih ispitivanja uslova radne sredine period važenja upotrebne dozvole je 3 godine od dana prethodnog pregleda i ispitivanja. Shodno navedenom upotrebna dozvola za hidrauličnu auto korpu koja je dostavljena u ponudi je istekla.

Nadalje, u tenderskoj dokumentaciji u predmjeru radova stavka E.1-1 traženo je da svi ponuđači dostave na CD-u ili USB stiku .ies i .ltd file ponuđene svjetiljke kao i fotometrijski proračun urađen sa istom svjetiljkom, a na osnovu dokumenta „podloga za fotometrijski proračun”. Ponuđač „Nexen” d.o.o. Banja Luka je na stranicama 84-86 ponude dostavio printanu dokumentaciju (koja nije tražena tenderskom dokumentacijom), te je propustio da na priloženom CD-u dostavi .ies fajl za ponuđenu svjetiljku i te fotometrijski proračun. Na CD-u je dostavljen samo .ltd fajl.

Iz naprijed navedenog razloga utvrđeno je da ponuda ponuđača „Nexen” d.o.o. Banja Luka ne ispunjava uslove tražene u tenderskoj dokumentaciji iz tačke 3.4.1. (c) – tehnička i profesionalna sposobnost i uslove iz stavke E.1-1 predmjera radova – aneksa 3, odnosno da je ponuda nepravilna, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je konstatovala da preostale dvije dostavljene ponude ponuđača „Ses” d.o.o. Sarajevo i „Teslaluks” d.o.o. Sarajevo ispunjavaju sve kvalifikacione i formalno pravne uslove tražene u tenderskoj dokumentaciji. Komisija je izvršila računsku kontrolu ponuda te utvrdila da su ponude računski ispravne.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH”, br. 80/23) zakazano održavanje e-aukcije na Portalu javnih nabavki BiH za dan 26.8.2024. godine sa početkom u 10:00 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-83/24 Komisija je utvrdila da je bilo podnošenja ponuda, odnosno da konačna rang lista izgleda kako slijedi:

1. „Teslaluks” d.o.o. Sarajevo sa ponuđenom cijenom za okvirni sporazum u iznosu od 102.900,00 KM bez PDV-a,
2. „Ses” d.o.o. Sarajevo sa ponuđenom cijenom za okvirni sporazum u iznosu od 103.030,00 KM bez PDV-a.

U skladu sa članom 10. stav (2) Pravilnika o uslovima i načinu korištenja e-aukcije („Službeni glasnik BiH” br. 80/23) izvršeno je umanjenje za svaku poziciju tehničke specifikacije za procenat koji iznosi konačno procentualno umanjenje cijene postignute nakon e-aukcije, tako da ponuđena cijena za okvirni sporazum ponuđača „Teslaluks” d.o.o. Sarajevo iznosi 102.900,00 KM bez PDV-a, odnosno 120.393,00 KM sa PDV-om. Ponuđač je pratećim protokola dana 30.8.2024. godine dostavio saglasnost na obračun nakon e-aukcije ovjerenom svakom stranicom predmjera radova, te je Komisija dala preporuku za zaključenje okvirnog sporazuma sa ponuđačem „Teslaluks” d.o.o. Sarajevo.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar komisije

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis



Općinski načelnik

mr. Semir Efendić